

شعارات الجزء الخامس عشر | الحلقة (51) | #إني_أنست_نوراً

| الموسم 10 | د . حازم شومان

حازم شومان

سلام عليكم ورحمة الله وبركاته. اخواني واخواتي في الله. وصلنا لنص القرآن فضل ومنة الله. النهاردة شعارات الجزء الخمستاشر الاسراء والكهف الله سبحانه وتعالى وصلنا لايه بقى؟ يا ترى خرجت بشعار قرآني من كل جزء من كل سورة؟ وصلنا لايه يا جماعة؟ علاقتنا في القرآن بقت ايه؟ يا اخوانا هدف السلسلة دي كلها - [00:00:17](#)

ان احنا نغير طريقة قراءتنا للقرآن. طول ما احنا بنقرأ القرآن بالطريقة اللي احنا بنقرأها دي انا اسف ان انا اقول مش هنوصل للي احنا عايزينه. قراءة القرآن صح هي اعظم مفتاح للوصول الى الله والى ثمار القرآن. يتلونه - [00:00:37](#)

حق تلاوته. حق يعني فيه الى قراية. ده حق وحقيقي وفي قراية مزيفة. فيه قراية شكل وخلص اللسان بيتحرك وخلص. زي قراية الجرايد وفي قراية بحق حقيقي قراية حقيقية حقيقة القراية بتجيب سمرة عايزين نقرأ القرآن قراءة فعلا تغير حياتنا. ياللا بقى مع شعارات الجزء - [00:00:53](#)

خمستاشر اول شعار كما دخلوه اول مرة كما اللي هيدخلوا فلسطين ويحرروا المسجد الاقصى تاني. ربنا قال شرط دخلوه اول مرة. مين اللي دخلوه اول مرة؟ الصحابة كما دي زي ما بيقول سيبويه تشبيه حال. يعني لازم يكون حالهم شبه حال الصحابة لما ربنا - [00:01:13](#)

فلسطين ربنا ما بيفتحش فلسطين لاي حد. كما يوم ما يبقى حالنا زي حال الصحابة. يوم ما نشيل الدين ونضحى عشانه. يوم ما نبقي صوامين قوامين. يوم ما يبقى وصفنا في التضحية من اجل نصره دين ربنا زي الصحابة ساعتها ربنا هيفتح لنا المسجد الاقصى زي ما فتحوا للصحابة. وان عدتم - [00:01:33](#)

وان عدتم عدنا كلمة بتدينا كلنا امل. بينك وبين كل اللحظات الجميلة اللي مرت عليك في حياتك انها ترجع تاني بينك وبين لحظات فتح ربنا عليك في الدعوة زمان. لحظات فتح ربنا عليك. في الشغل والتربية - [00:01:53](#)

بينك وبين ان ربنا يعود عليك باللي كان فاتحه لك. والوقت بقى بالنسبة لك ذكريات جميلة بتغمض عينك وتفتكرها. في الواقع صاحب الصعب اللي احنا بينك وبين ده انك ترجع لربنا زي ما كنت. لو رجعت زي ما كنت ربنا هيرجع لك كل حاجة راحت منك. وان عدتم عدنا هو ده معنى اسم الله التواب - [00:02:11](#)

انت هترجع للي كنت بتعمله فربنا يرجع لك اللي كان بيديه لك. وان عدتم عدنا. عايز اللحظات الجميلة والفتوحات الدعوية الايام الجميلة في حياتك ارجع شف ايه اللي كان زمان بين قلبك وبين ربنا. شف ايه السر اللي كان في قلبك لربنا؟ لما كان ربنا اغلى حاجة في حياتك بجد - [00:02:31](#)

لما كان ربنا هو الاول والاخر بجد لما كنت مشغول بربنا بس بجد ساعتها ربنا هيرجع لك كل اللي راح ان هذا القرآن القرآن يهدي للتي هي اقوم. ما تنسيش للتي هي اقوم. عايز القوم لله. عايز ربنا يقوم لك عزيמתك - [00:02:51](#)

عايز ربنا يسلب لك طولك في الدعوة الى الله وفي العبادة. القرآن هو اللي هيقومك. للتي هي اقوم هو العمود الفقري لحياتك. زي عمود الفقر اللي مقومك كده ومخليك مقوم كده بالعمود الفقري. القرآن والعمود الفقري لقلبك. العمود الفقري لايماذك. العمود الفقري لروحك ولنفسيتك - [00:03:11](#)

غير القرآن هتهنار مش هيبقى لك قومة في الحياة. ويدعو الانسان بالشر دعاءه بالخير جهل الانسان يا رب يا رب عايز اتجوز فلانة. فلانة دي لو اتجوزها هتبقى اكبر مصيبة في حياته. يا رب انا عايز ولد كان لي واحد اعرفه في الكلية كان طالب - [00:03:31](#) في كلية علوم. انا لسة فاكرو منزر عنيه. وانا بيتنا مع بعض في اوضة واحدة. بيتنا مع بعض كنا بنقعد مع بعض في شقة طلبة واحدة. لما كنت اروح اقعد مع - [00:03:49](#)

بعض صحابي في شقة الطلبة بتاعتهم. فاكروا وفجأة اختفى وكان له ست بنات اخوات وهو الولد اللي عليهم. واختفى فجأة دي كده تأخر مرة شفته وكان صوته بصة تخوف كده يعني ايه يعني فاكرو يعني كان له موقف صعب كده شوية يعني. بس فاكرو بعدها قريت خبر انه كب جركن جاز على ابوه - [00:03:59](#)

وولع في ابوه. ده الولد الوحيد اللي يوم ما ابوه رزق به ابوه يقينا وزع شربات على اهل البلد والسبع بلاد اللي حوالها. ما تعرفش الخير من الشر؟ انت انت تعرفي منين فلان الخير ولا مش فلان الخير ولا فلان الخير ولا الشغلانة الخير ولا الوظيفة دي خير ولا شر؟ النبي ادم ما يعرفش الخير من الشر لدرجة انه يدعو - [00:04:19](#)

الانسان بالشر قاعد يقول يا رب وهو بيدعو بمصيبة اصلا دعاءه بالخير. زي ما يقف كده ويقول يا رب حاجة خير ويتمنى من ربنا خير انت مش عارف فوض لربنا امرك. ما انتش عارفة وعسى ان تكرهوا شيئا وهو خير لكم. ممكن الوضع اللي انت كارهه دلوقتي ده اعزم خير لك في حياتك. وعسى ان تحب - [00:04:39](#)

شيئا وهو شر لكم وهو يبقى فيه المصيبة. والله يعلم وانتم لا تعلمون فوض امرك. لله. من الشعارات القرآنية في الجزء الخمستاشر ان السمع والبصر والفؤاد كل اولئك كان عنه مسئولا. يوم القيامة في العرض على الله ودنك هتتسأل - [00:04:59](#)

عمك عينيك هتتسأل عنك. قلبك هتتسأل عنك. هتتسألوا عن كل كلمة لسانها نطقك. كل كلمة لسانك نطقها. السمع هيتسأل. ها انت سمعتها ولا دي اتألفت؟ البصر هيتسأل انت شفتها؟ دي حقيقة ولا ده كداب والى الكلمة دي وهو بيقول فلان عمل كذا وفلان واحنا - [00:05:19](#)

نتكلم على البشر ليل نهار ونفتاب. قلبك هيتسأل عقلتها كنت عاقلها وانت بتقولها ساعتها تقول لربنا ايه؟ خاف من كل كلمة قلتها على بشر خافي من كل غيبة اغتبتها البشر. كل كلمة نطقها لسانك على انسان غيرك. ربنا هيسأل عنها ثلاث اعضاء من اعضاءك. هيسأل - [00:05:39](#)

سمعتها ولا لا؟ يا ويلك لو كان سامعك ما سمعهاش. هيسأل بصرك شفتها ولا لا؟ يا ويلك لو كنت قلت حاجة ما شفتهاش. هيسأل قلبك قلتها ولا لا؟ يا ويلك لو كنت قلتها كده از تلقونها بالسنتكم وانت ما انتاش فاهم انت بتقول ايه وتحسبونه هينا وهو عند الله - [00:05:59](#)

من الشعارات القرآنية ومن الليل فتهجد به. تهجد الوجود هو النوم يا جماعة. تهجد الناس تهجد. يعني قم وصل تهجت الوجود والنوم. التهجد وازالة النوم به القرآن هو اللي هيطير النوم من عينيك. ما فيش حاجة هتقوم عزيمة في الحياة قد القرآن. ما فيش حاجة - [00:06:19](#)

هتنور طريقك قد القرآن يلا لسه خمستاشر يوم في رمضان الحق قل كل يعمل على شاكلته. يعني ايه كل يعمل على شاكلته؟ يعني انت عندك حاجة اسمها الشاكلة. انت الشكل من برة آآ ابيض آآ عينيها - [00:06:39](#) حلوة آآ شفايفه كذا اسنانه وفيه حاجة اسمها الشاكلة اللي هي شكلك من جوة. اللي هي خريطتك النفسية اللي هي بصماتك الحقيقية. شخصيتك ايه هي ونفسيك الحقيقية؟ الانسان لما بيشغل ممكن واحد عضلاته قوية وتيجي تقول له قم صل ركعتين مش قادر. يبقى الانسان ما بيعملش على حسب شكله. انما - [00:06:55](#)

على حسب شاكلته. كل يعمل على شاكلته. على حسب الشاكلة. على حسب شخصيتك ونفسيك هيكون رد فعلك في الحياة. وهيكون رد فعلك لو الدين اتزلم او حصل حاجة ضد الاسلام. وهيكون رد فعلك في التلت الاخير من الليل لما تعرف ان الملك متنزل هيكون رد فعلك على حسب شاكلتك. يبقى انت - [00:07:15](#)

عايز تصلح عملك صلح شاكلتك. يبقى انت هتشتغل على حسب نفسيتك وشخصيتك من جوة. نفسيتك وشخصيتك دول اتكونوا على مدى السنين من وانت طفل بيتكونوا. صندوق الاسود اللي جواك. طب اغير الشاكلة ازاي لو عندي اضطرابات في الشخصية؟ لو عندي طباع صعبة وانا عارف ان انا وحش وعندي مشاكل في شخصيتي مخلياني مش عارف اعيش - [00:07:35](#)

ومخلياني مش عارف اتجاوب مع الناس ومش عارف انجح في حياتي. اغير الصندوق الاسود اللي جوايا هي ازاي؟ انت بتغير شكلك ازاي؟ عشان البطن تخس بتتهدل الرجيم عشان المناخير يبقى شكلها حلو بتعمل عملية جراحية. عشان يبقى اذا الانسان بيتعب عشان يغير الشكل. كذلك لازم تتعب عشان تغير شخصيتك - [00:07:55](#)

نفسيتك لازم تتعب. قلت لكم كتاب اسمه انا مش فاهمني عن علاج اضطرابات الشخصية. عن ازاي نغير الشاكلة من جوة؟ عن ازاي نغير الصندوق الاسود اللي من جوة ده كفاح لازم تجاهده عشان تتحول من انسان فاشل لانسان ناجح في الحياة. ايا ما تدعو فله الاسماء الحسنى - [00:08:15](#)

الله! الاية دي بتديني امل في الحياة. ايا ما تدعو اطلب ما تشاء من الله فله الاسماء الحسنى. الانسان اللي بيرتبط باسماء الله الحسنى بيعرف ان ايا ما كان دعاءك ايا ما كان حاجتك. ايا - [00:08:35](#)

كان ما كان ما احنا لسة كنا بنقول وان من شيء الا عندنا خزانة كل حاجة عند ربنا. ربنا قادر ايا ما تدعو ما تستعصبش ما فيش اي حاجة تطلبها من ربنا. ما فيش عند ربنا مستحيل. ربنا يقدر يشفيك من امراضك. ربنا يقدر يعالج لك نفسيتك. ربنا يقدر يوسع رزقك. ربنا يقدر يفك اسرك. ربنا - [00:08:50](#)

يقدر يعمل لك كل حاجة. ايا ما تدعو فله الاسماء الحسنى. ادخل على الله من باب الاسماء الحسنى وشف الفرج كله الشعرات القرآنية في سورة الكهف لعلك باخع نفسك على اثارهم. البخع الدبح فصل الرقبة عن الجسم. البخع ان يتفصل رقبة النبي ادم عن جسمه. شوفوا - [00:09:10](#)

النبي فيه ناس بنقول لها يا اخي بطل برود وشيل هم دين. وفي واحد بنقول له هتدبح نفسك. من كتر شيل الهم الارض الباخرة هي الارض قعدت تتزرع تتزرع فما عادتش بتطلع حاجة في الاخر. بقت عاملة زي الارض المتجرفة ما فيش فترة راحة. عشان تقدر تشتغلي في الدعوة. عشان تقدر تستمري في الدعوة - [00:09:32](#)

عشان تقدر تستمر انسان منتج في حياتك لازم ما تبقاش عامل زي الارض الباخرة. تقعد تستهلك نفسك لحد ما خلاص استهلكت نفسك. انت من جوة ميت انت من برة واقف على رجلك ومن جوة خلاص منهار. لازم كل فترة فيه وقفة عبادة وقفة شحن ايمان. لازم كل فترة فيه وقفة مع - [00:09:52](#)

القرآن الكريم وقفة مع الذكر اوعى تعمل زي المكنة اللي قعدت تشتغل من غير ما تريح لحد ما بقت مكنة مفوتة بتشتغل على ما فيش. يا ايها الداعي الى الله ما تبقاش زي الارض الباخرة واقف اشحن نفسك كل شوية بالايمان وبوقفات العبادة - [00:10:12](#)
ام حسبت ان اصحاب الكهف والرقيم اصحاب والرقيم التلات كلمات دول جمعوا منهج العبادة ومنهج الوصول الى الله. اصحاب يبقى قيمة الصحبة في حياتك. قيمة الاخوة بس مش اصحاب الله. مش اصحاب الهاء اصحاب الهمة. اصحاب الكهف والرقيب. الكهف - [00:10:31](#)

يعني الكاف بقى اللي هو مكان العبادة بقيت الايمان. يعني ربنا جابه بالالف واللام الكاف ده خرابة. ولكن المؤمن لما بيدخل اي مكان بيحوله لمنازة لنشر الهداية في الارض زي يقول لك مسلا بعنا شبشب موسوليني بتسع تلاف دولار ايه شبشب موسوليني يعني؟ يعني هو شبشب بيتكلم لآ ده بتاع موسولينو يعني الشخص اللي بيبقى له قيمة - [00:10:51](#)

في الحياة اي حاجة بالنسبة له بيخلي لها قيمة. المؤمن اعظم شخصية تغييرية. دخلوا كهف خرابة حولوه لاعظم بيئة ايمان ومنازة نشر هداية ربنا خلف زكرها في القرآن ليوم القيامة. انت غيرت ايه في الكلية بتاعتك في البلد بتاعتك؟ في المكان بتاعك في الشلة بتاعتك. الكهف - [00:11:11](#)

مكان بيئة العبادة يبقى الناس دي كانوا مصاحبين بيئة الايمان. يعني مش جلسة ضحى هتغير قلبك. مش ليلتين قيام هيجيبوا اليقين

في بتلازم اصحاب الكهف. لازم صحبة العباداة. صحبة بيئة الايمان. والرقيم. الرقم هو النقش على الحجر. الشباب دول ناقشوا

[00:11:31](#) عقيدتهم -

على الصخر عشان يفضلوا يقرروها ويتذكروها دائما. لما يقرروا الكلام عن الله سبحانه وتعالى. يبقى اصحاب الرقيم تعادل الوقتي انا صاحبك ان لازم يبقى فيه صحبة بينك وبين القرآن. يبقى اصحاب الكهف والرقيم جابت ثلاث معاني جبارة. اول حاجة صحبة

[00:11:51](#) الصالحين. صحبة اهل الهمة اللي بنعبد ربنا -

مع بعض. اتنين صحبة العباداة ومكان العباداة ان انا افضل مستمر على العباداة وبقت الايمان. ثلاثة صحبة الرقيم صحبة الكلام اللي يذكره بالله. يعني صحبة القرآن الثلاثة دول هم مفاتيح الوصول الى الله. اذ اوى الفتية الى الكهف فقالوا ربنا فقالوا - [00:12:11](#)

وربنا احنا بقى بنتقابل خمسة ملتزمين مع بعض او خمسة ملتزمات هنعمل ليلة ايمانية مع بعض. نقعد نتكلم ساعتين ونضحك مع بعض. بعد كده نصلي ركعتين وبعد كده ناكل كده ننام وادي الليلة الايمانية. اذ اوى الفتية الى الكهف فقالوا فورا ربنا ما ضيعوش

[00:12:31](#) وقت. لما اتقابلوا مع بعض وظفوا كل -

كل لحزة في علاقتهم في العباداة وفي الطاعة ما ضيعوش وقت نحن نقص عليك نبأهم. الله! الوقتي الاعلام والقواعد الاعلامية لازم التصوير يبقى حلو لازم الاضاءة تبقى حلوة. لازم يبقى السوشيال - [00:12:51](#)

لها قواعد معينة عشان تقدر تنشر كلامك من خلالها. كل الكلام ده امام قول الله. نحن نقص عليك نبأهم. الناس دي ماتت من مئات والاف السنين وربنا اللي بيتكلم عنهم الاعلام الرباني بقى. لما ربنا اللي يتولى دعوتك. لما ربنا اللي يتولى نشر كلمتك الاعلام الرباني -

[00:13:05](#)

اعظم من اي مقاييس اعلام دنيوي. مش معقول ما ناخدش بمقاييس الاعلام الدنيوي. بس ناخد بالناس من نشر الحقيقي اخطر وسيلة نشر لاي منهج قل اي كلمة حق نحن نقص عليك نبأهم - [00:13:25](#)

وربطنا على قلوبهم اذ قاموا كثير قوي بيبقى نفسه يشتغل في الدعوة يقول بس انا خايف احسن حد من الزالمين يأزيني. احسن انا عايز يا رب امني وانا اشتغل. لأ وربطنا على قلوبهم امناهم وسبتنا - [00:13:41](#)

قلوبهم على مشاعر الايمان امتى اذ قاموا فقالوا ربنا لما اشتغلوا في الدعوة ربنا ربط على قلوبهم ببقى روح المبادرة لما هتتحرك عشان الدين ربنا هيملى قلبك باليقين. وفيه مقامات ايمان مش هتيجي ولا هتحس بها غير لما هتتحرك عشان دعوة ربنا. سبحانه

[00:13:54](#) وتعالى -

تقلبهم ذات اليمين وذات الشمال. منزر حنان جبار. نايمين تلتमित سنة. الام هي اللي كل شوية تقلب ابنها الرضيع عشان يكون حد عنده مريض يقلبه يمين وشمال عشان قرح الفراش. عشان الدورة الدموية ايه الحنان ده يا رب! ايه الحنان ده! شوفوا حنان ربنا بهم

[00:14:14](#) وهم نايمين -

قال حنان ربنا بهم وهم صاحبين امال حنان ربنا بهم وهم شغالين! ده حنان ربنا بهم وهم نايمين! مش هم بيعبدوا! مش هم بيصلوا! مش هم شغالين في الدعوة! امال وهم شغالين في العباداة والدعوة! هيبقى حنان ربنا - [00:14:34](#)

قد ايه فابعثوا احكم الشواية كان بيقلوا ايه الى الكهف. الكهف ده بيقول ايمان. يبقى البيئة الايمان هي اللي هتخرج فابعثوا احكم هي اللي هتخرج رجال البعث في الواقع. هي اللي هتخرج اللي شايلين الدين في الواقع. اللي شايلين الدين صفات اللي هيشيل ثغر

[00:14:46](#) من الثغور. صفات -

المحترفين على ثغور الدعوة اربع صفات. فابعثوا فلينظر فليأتكم وليتلطف. فابعثوا انه يحس بخطورة المهمة حتى لو انت ماسك مسلا انك بتوصل شنطة لاسرة فقيرة فابعثه انا مبعوث. انا انا مبعوث الامم المتحدة للشرق الاوسط انا مهم انا بقوم بدور عظيم -

[00:15:06](#)

فلينظر النظر هو تقليب البصر في الشيء مع اعمال الفكر. يبقى لما تمسك ثغر من ثغور الدعوة ما تقعدش تربك الدنيا حواليك. فكر في صغرك وشغل دماغك وخذ قراراتك فليأتكم ما تموتناش كلنا وراك. يعني ده ده واحد رايح يجيب سندوتشات. ما تقعدش تخلينا

نستناك بقى يوم. انت واحد شغال في سغر في الدعوة - 00:15:26

واو ماسك نقطة على صفحة فيس لداعية من الدعاة. او بتعمل مقطع مونتاج. او نازل تعمل جولة شبابية. ما تاخذش سنة في الحاجة اللي بتاخذ يوم انجز وليتلطف ما تقعدش بقى تصطدم بالناس وتصطدم باهل الباطل وتفزعهم علينا. خليك انسان لطيف. خليك زي

الهوا كده. الهوا لطيف نسمة لطيفة - 00:15:46

احنا الوقتي قاعدين نتنفس هو الهوا قاعد يخبط فينا الهوا بلطف بنتنفس من غير ما نحس به اهو ده الانسان اللطيف ما تحسسش اهل الباطل بك ما ما تحسسش الدنيا بك. طبعا الشعارات لا حصر لها واصبر نفسك مع الذين يدعون ربهم مع المربي لازم يبقى مع

لازم يصاحب الطلبة - 00:16:08

ما عدا اخطر حرف في القرآن مع ده هو اللي الحرف اللي هيخرج بطولات الرجاله اللي هيشيلوا الدين لما المربين يصاحبوا الطلبة لما يبقى فيه تربية بالمصاحبة اللهم اجعل القرآن العظيم ربيع قلوبنا ونور صدورنا وجلاء احزاننا وذهاب همومنا اللهم امين - 00:16:28

- 00:16:48